



淶江集卷之五

朴七言律詩

送陳體坤歸攸因訊羅子

繁雲陰陰日不滅送爾開尊懷苦辛盛世



衣冠難卽料故園燈火直須親黃沙白草

燕山路岸芷汀蘭楚水春谷口子真憑問

訊滄江今擬共垂綸

送羅理問赴汴藩

八月秋風吹洛城更堪搖落送君行干戈



近報梁南寇羽檄新傳冀北兵落魄尚彈
豪士缺艱危誰請使臣纓專征喜屬吾鄉

老贊畫看歸細柳營時汴南有巨寇至徵兵宣大吾楚瀟川何

公以撫臺總戎事

秋日出北直門有感于忠愍公往事

述憤一首

城陰斜日淨秋煙北固山河紫塞連戰士

休誇驅虜地居人猶說喪師年 聖朝國

步終難改司馬忠貞枉自賢最是傷心祠

廟處岳王墳對越江邊

秋懷八首

萬木凋殘玉露秋燕京風物倍蕭颼天邊

鴻鴈寒應盡海上魚龍晚更幽荏苒風塵

雙客鬢蹉跎江漢一歸舟愁來漫有登樓

興一上高樓思轉愁

日落空庭映晚霞井梧籬菊競年華天涯

歲事催寒杵客裏鄉心急暮笳郭隗臺荒

悲薊野賈生祠古憶長沙漢京冠蓋豪遊

地快馬輕車意自賒
岳陽樓倚洞庭湖
湖上風煙畫有無
不見吹簫來碧落
尚聞飛錫到玄都
江濤影動龜鼉宅
岸荻聲迴鴈鷺呼
腸斷十年臨眺處
向來歸夢落秋蕪
長楊宮館禁城西
先帝宸遊路不迷
金殿書閑扃虎豹
玉池春靜浴鳧鷖
風雲尚想冠裳入
日月曾瞻簇仗齊
千載翠華那更見
五陵秋色益淒淒

白石清沙動碧虛
秋風江上憶吾廬
門開列岫丹青見
徑隱千花錦繡舒
晴嶠煙霞遶杖屨
夜欄星斗靜琴書
不知身世風塵裏
猶向他鄉問卜居

漢家宮殿向燕開
紫蓋黃旗宿露臺
畫省香煙來閭闔
碧窓雲影接蓬萊
百年禮樂逢明主
一代功名屬俊才
退食郎曹慚寸補
欲從江海竭涓埃
孝皇弓劍杳難攀
報祀曾趨寢殿班
豈有

金盞朝地下尚餘玉燭照人間風生瀚海
 蛟龍泣日落空林鳥雀還最是宮庭更蕭
 索淒風殘月對愁顏
 憶昨衣冠哭帝庭忽看白日下雷霆鴛
 鸞影靜明星替狴犴陰生曉霧冥被繫鄒
 陽終遇主抗言劉向本傳經牽裾折檻千
 年事吟對秋山幾涕零

雪次坡韻二首

城上寒光噪宿鴉城中飛雪駐行車層臺

喜溢金莖露上苑驚看玉樹花甲盾誰憐
 諸將壘歌鍾獨醉五侯家天涯旅客還無
 賴滂倚蛩吟憶八叉
 東華城土絕毫纖朔雪疑寒大作嚴地比
 崑岡初破玉境非淮海欲生鹽輕盈有態
 頻穿戶岑突無能忽墮簷最是畫圖堪望
 處白雲堆裏露山尖

九日

九月九日秋興淒重霾宿霧還霏霏菊花

插頭祗自好竹葉在手那能揮已愁中原
足寇盜復道公車多是非腐儒奔走亦何
意猶向良辰嘆式微

早朝

瑞靄祥光霽景鮮蓬萊宮闕五雲邊龍旂
影動金門日虎旅香籠玉陛煙萬國梯航
嚴禹貢千官環珮肅堯天獨憐抱玉孤臣
思願獻垂衣帝德篇

方棠陵惠茶有詩次韻荅謝

三月三日予視學南康信州吏賫
到新詩細茗煮茗誦詩真可一咲
初石至無茶臨緘偶及迺蒙出諸
仙囊千里再寄僕若過於求索矣
感激高誼卒爾次韻據案緘付吏
人馳謝不腆之詞匪以爲報也

三月幽懷愁不眠思君時復問江船金莖
久望雲霄裏錦石長瞻玉案前文字一春
看不足煙塵落日夢尤牽相如渴病能祛

得七碗風清強自煎

海濱

海濱羈旅重留連，夢裏家山正渺綿。
望眼每隨雲共杳，歸心長並月高懸。
貧餘菽水堪爲養，富有圖書不論錢。
早晚扁舟遲明發，音書誰遣鴈相先。

寄題羅中丞公願樂亭次鳳翁年伯韻

中丞亭榭倚江臯，江色江花照豸袍。
一逕芳菲深雨露，四時遊賞足風騷。
平泉樂事

心能勝塵世，浮名意已消。
訪舊若尋黃綺

作徵書應下

紫宸朝

張龍湖宮諭賚東宮詔賚于諸藩

還贈送二首

龍函遙下黃金闕，鴛篴初分白玉堂。
天上星辰生氣象，人間雨露滂遐荒。
謳歌四海瞻堯日，藩翰千年拱帝鄉。
君去定知饒獻納，好將王道事吾皇。

江城晴日動征橈，詞客乘春返使輶。
金殿

早承金馬詔玉樓新品玉鸞簫相如才雋
應光寵杜甫愁多湯寂寥京國故人如問
訊為言生計有漁樵 張是時有婚事

出郭一首

成隱園開帶郭幽野煙寒日淡林丘蒹葭
水落鳧鷖晚禾黍場空鳥鼠秋蔣詡高名
三逕遠計然生理五湖悠青門瓜地荒蕪
盡莫怪頻來荷鋪遊

夜夢至一公署觀吾師甫川先生壁

間詩紀述一首

秋夜離思攪客眠覺來塵跡尚依然書疑

逸少臨池日

夢中觀公書疑若不類詩異
旁一人云茲公新筆也

坡翁過嶺年几杖每憑魂夢到文章應共
姓名傳青宮紫殿逶迤地遙望雲霄霽景
懸

約齋副憲書來聞辱撫臺謬薦感述

二首

野外驚傳一騎來向人懷抱幾回開多情

憲使能憐我濟世中丞解愛才敢擬文章
 希屈宋尚慚風節薄鄒枚極知為國群公
 在潦倒真登郭隗臺薦詞有云文章度越
 乎時輩風節無愧于
古人曷克以當
 哉曷克以當哉
 一臥滄江動十春故園風物總宜親堦前
 馴鹿長為侶檻外輕鷗時傍人杜甫憂懷
 空自晦山濤清鑑固無倫公車薦士吾何
 意慚愧當年報主身

胡瓶山憲長枉過辱贈詩次韻奉謝

忽湧相逢嘆聚萍病懷離緒一時并柴門
 使節來今雨驛路輕車屬晚晴匡濟共看
 他日事淹留真見故人情休疑丘壑容踈
 放已有忠良翊 聖明

琴堂雙喜詩次原倡韻 有跋

江城走馬來旌章六月一日逢佳祥琅函
 錦幟雲物亂繁絲急管春風長峩峩岡陵
 地南紀錯落斗宿天中央稱觴賦詩我何
 有已覺道路盈宮商

琴堂雙喜詩為東墅方侯作也六月一日迺侯誕辰而是日旌典適至故歌之以志異也倡之者誰為達溪唐子而成之者則學諭王沙吳子也作者盈帙咸一韻無改詞而予適臥疾吳子命兩生來謁惟夫子可無作乎吳舊諸生也尋復自來速予詩後成又不容獨異故援筆次韻庸續貂云

雪再次坡韻六首

朝來集霰尚纖纖乍逐驚飈晚漸嚴廬瀑遠張千丈帛解池平時萬堆塩初從墜葉分侵座更點遊絲學掛簷散目欲移東郭步刮肌還避北風尖

風急天昏沒斷鴉柴門密掩倦巾車寒帷忽放窓前月把燭時開鏡裏花王子迴舟空盡興素公僵臥豈無家野人亦有携琴意悵望寒山路幾叉

江城風物淨妍纖玉宇瑤空早戒嚴幾向
荒村驚落絮更教貧士誤堆塩青綾夜擁
寒欺枕白屋晨炊響溜簷擬把戈矛馳獵
騎塵埃愁失舊鋒尖

湯空瓊屑舞仙鴉一道流光玉女車竹壓
翠稍猶辨葉梅沾踈葢總疑花扶筇頗耐
先生履煮茗偏宜學士家忽憶扁舟江上
客路迷何處把魚叉

夜窓看雪轉廉纖陡覺寒威特地嚴氣凍
銀鑿真比玉味調金鼎詎宜塩群飛鷲羽
驚當戶亂落梅花訝滿簷爲喜農人歌歲
稔幾教詞客濡毫尖

蕭條庭樹擁棲鴉閑憶坡翁咏雪車愁寂
未看南海月風流還掃北臺花梁園麗藻
推前代穎水篇章屬大家湯向巴人誇郢
調真將才力愧劉叉

營居二首 乙未歲

泮宮東畔結幽居翠竹蒼松帶碧渠門啓

詎容于氏駟樓成應貯鄴侯書群飛燕雀
勞相賀穩臥蛟龍得自如偃仰欲謀千日
在飄零猶恨十年餘

山北山南此定居半生塵土濯清渠縈窓
翠靄如相媚映戶晴雲更可書廣廈詎庸
愁杜甫文園端合臥相如南陽西蜀羞堪
比抱膝長吟意有餘

五日

端陽風雨似清秋景物蕭條里巷幽雲氣

欲迷襄峽望江聲常帶泪羅愁痴兒角黍
從教覓野客壺觴擬共酬時事不堪驚節
換故鄉今喜得淹留時聖駕幸郢里人多往從役云

九日郊行因觀魚山庄

九日無朋漫獨遊煖風晴靄正宜秋迎人
劍戟山爭出聒耳琮琤水亂流霄漢鴻飛
那可繫濠梁魚美更何求由來物外煙霞
侶不作人間燕雀愁

夢紀述 有序

秋夜忽夢至莆與諸故舊晤語尋
復夢作一詩紀之既覺止記首全
句中二聯拂旌旛鴈影雙六字暨
江降二韻餘悉莫記也噫閩邦予
足跡未經履之地茲胡爲入我夢
耶非以莆故多知遇懷人無已迺
假諸神遊耶然夢中紀夢似亦奇
迺用足之寄呈舊遊諸君子庸見
不忘吳江神劍將無時合并耶

昨宵夢忽到閩邦千里心期接楚江嶺嶠
月明依杖屨海天雲杳拂旌旛空嗟世路
羊腸繞遙望音書鴈影雙寄語舊遊諸俊
彥向來意氣已全降

移居用杜韻一首

丙申歲

臘月三日天氣新和煙旭日來青春卜築
幸自了生事談笑且得偕鄉人衡門棲遲
豈吾意鬻舍絃歌欣我隣但願賓朋常過
從酒杯棋局任吾真

海樓詩爲李大守題

層樓岌嶷東海東蓬萊三山如眼中鯨鯢
蹴空溟渤黑龍蜃映日扶桑紅君從達觀
得至理我向要路占成功爲霖作楫衆所
賴要使寰宇皆春融

歸來

十年奔走困風塵此日歸來意氣新犬馬
有情違報主江山無恙解娛人清樽喜集
平生友綵服歡承未老身京洛緇衣看抖
擻故時猿鶴詎應嗔

秋夜

碧霄涼露晚霏微茗飲爐薰坐息機明月
有情偏近席冷風何意更侵衣池邊棲鳥
知應定草際流螢底自輝幽思孰教成嘯
味百年心賞悵多違

淶江集卷之五

淶江集卷之六

七言律詩

舍弟卒業歸龍湖大宰有贈章因并
及予次韻寄謝

懶性慵通政府書隴雲江樹渺愁予持杯
尚憶論心日結綬猶憐把臂初房杜勲名
元自許陶朱生計已全踈碧山幽思君休
問麋鹿心情只自如來詩云試倩緘詩問
公幹碧山幽思近何
如

紀夢有序

春夜忽夢至朝見諸相國寵遇嘆
羨久之頃之 駕忽臨問臣何爲

臣俯伏對曰臣欲上聖主得賢臣

頌 上曰汝上頌須用事由聖主

難出明王等語云云嗟乎自予還

山不作此夢久矣且予夢素不分

明覺亦不甚悉也惟茲獨明且悉

莫省何謂姑識一詩

春來忽夢紫宸朝顧問親承玉輦高
經國 總多諸老在求賢應識 聖心勞孤臣漫
擬爲褒頌逐客無煩賦屈騷 天語分明
能記憶半生 恩寵愧虛遭

元夕用前韻

憶昔退食春明朝午夜遊宴冰輪高
繁絲 鳴絃市頗聒燃燈列炬人誠勞
詎今園林 變闐寂尚覺車馬來蕭騷
起持一杯竊自 壽清時盛事吾生遭

春雪次唐達溪韻

江城飛雪送春寒對雪吟詩亦自歡
郢里正傳歌曲古灞橋湏放酒杯寬
從知物外幽居穩轉覺人間行路難
草閣且便高枕臥塵冠未許向人彈

春夜用前韻一首東達溪

春來池館夜偏寒偶把新詩續舊歡
塵世苦逢知己少閑身猶荷聖恩寬
窮愁阮籍嬉遊簡歸去陶潛應接難
三徑肯拚過

桑仲朱絃還擬爲君彈

草堂雨夜疊前韻二首

淡煙微雨夜生寒獨坐幽堂寂不歡
病骨每緣詩思劇愁腸剛爲酒杯寬
因攀桂樹栖遲久欲折梅花寄遠難
閑倚高樓待明月抱琴今夜向誰彈
短榻踈燈照夜寒閑情翻憶少時歡
朝鳴玉珮煙花繞夕泛瑤觴月色寬
萬里雲霄隨去住百年岐路苦艱難
青山自識歸來

好不用楊朱只淚彈
碧山幽思雨聲寒
白雪詩來接咲歡
薄宦

雨懷再疊韻
蒼達溪
萬里雲霄

敢稱三賦在苦吟
真使百憂寬
滄江鷗夢
由來穩世路
羊腸自古難
試問江東舊
遷客

客袖中長缺
幾回彈
東遷客
自稱為江

草堂新構枕江寒
靜理琴書寄一歡
歲晚桑麻知計拙
春來花鳥足心寬
蒼崖翠壁

行逾遠
瑤草金莖採不難
一曲廣陵誰解
取幽情時向月中彈

春寒四疊韻二首

鳴雨浙瀝暄風寒
閉門伏枕誰為歡
江湖陳迹宛如昨
天地望眼徒勞寬
空村豺虎出不易
塵榻蚤虱眠仍難
盈盈佳人在何
許錦瑟尚記當年彈

江南二月天
苦寒斗酒不博幽人歡
韓公短檠只自對
杜老廣夏何曾寬
青春已歸

景復惡白日欲繫吾誠難田文何人錯解
事有淚更作雍門彈

晝夢用杜韻二首

江南溽暑如炊然困來撥書還獨眠蠅飛
攪人撲復至蝶化入夢醒尤牽酒杯長辭
叢桂裏釣艇閑繫垂楊邊白日羲皇自可
到意氣不數黃金錢

閉門却暑如敵然冰簾雪簟還成眠陶公
無營地自靜杜老何事愁仍牽瀟湘園林

白雲裏京洛冠蓋紅塵邊覺來牀頭玩周
易詎意卜肆青銅錢

次韻荅龍江見贈

乾坤陳迹幾征旄江上風波亦苦遭本以
踈慵干世累敢將虛薄預時豪茂陵多病
居應遠彭澤歸來意未切猶有故人堪慰
籍贈言珍重比金刀

疊前韻述懷

天上風霜擁翠旄
聖朝恩寵憶曾遭彤

廷珮玉年猶少畫省揮毫興更豪壯志孰
教成獲落幽懷無用苦勞忉阮生未老踈
狂態時向尊前舞佩刀

散漫墻頭臥節旄半生塵土愧虛遭金門
方朔空稱隱湖海元龍枉是豪吟對沙鷗
聊自適夢回蕉鹿未須忉鳶魚且玩牀頭
帙鷓鴣休看匣裏刀

疊前韻答舍弟

吾門門戶舊旄旄慶澤流傳喜共遭敢謂

阿戎能濟美應知小謝更稱豪詞場爛熳
心仍苦壁水遲徊意更忉出處漫從詹尹
卜可無人為拂霜刀時弟方卜征期

再疊韻贈龍江

萬里煙塵建節旄壯遊真羨子行遭叅戎
幕府才仍俊却敵邊城氣更豪岐路偶逢
應涕淚人情無賴湯勞忉多君賸有還家
樂旋着班衣解佩刀

送張公子省覲歸蜀

嚴翁作宰彈琴坐令子寧親鼓棹歸萬里
庭闈貪鯉對一年行李傍菜衣趙郎授簡
詞能習司馬題橋志不違此去且尋芹泮
樂春城桃李正芳菲

營東宅成用舊韻二首 戊申歲

拮据重構野人居坐對青山俯碧渠荒徑
欲誇陶令賦空堂何憶伏生書樓頭星斗
暉相映戶外烟霞烟自如為語傍人休詫
說買山囊盡已無餘

解組歸來賦卜居敢論夏屋更渠渠垂堂
已愧千金誠插架還憐萬卷書前輩風流
今已遠後來文物更何如應知簪紱相承

地猶是先人慶澤餘

茲宅址為先輩唐大
城今乃屬予唐門登甲科者一舉于鄉者
五予門登甲科者二舉于鄉者四歲于茲

地發
跡云

移居仍用杜韻一首 庚戌歲十月

蘭枋桂棟生事新卜築幾見湘山春荒城
頗多車馬客 聖世宜作漁樵人可無新

詩了暇日亦有斗酒來比隣蓬踪萍跡慨
往昔懶漫吾已從吾真

送曆龍江辱枉詩謝次韻奉答

靜理殘編坐日長故人詩句忽相將矜誇
實藉懷中玉諷誦應回鏡裏霜江晚潛魚
虛怒浪林昏歸鴈急斜陽明時共拜周
玉曆陳迹空餘漢署香

至日疊前韻

欣逢長至日應長寶曆瑤篇得共將
聖

主恩光懸日月小臣懷抱歷冰霜沙頭浴
鷺宜晴景樹抄啼鴉已夕陽鳴珮忽思奔
走地玉階親惹御爐香

夜坐偶觀空同先生詩丹疊前韻

寒漏依稀聽轉長濁醪清茗坐相將沉冥
欲問天邊月慄慄還看地上霜中夜聞鷄
思徃代明廷儀鳳聽朝陽閑看李白詩千
首願致南臺一辦香

睡起有述疊前韻

倦起拋書睡正長覺來書卷復相將愁心
漫惜三冬日病骨難禁五夜霜未有風流
期洛社敢將耕稼學南陽問花尋酒年年
事消得閑中幾炷香

幽居頻構水雲長

幽居頻構水雲長土木形骸祇自將窓竹
影含湘浦月澗松枝老洞庭霜鑿坏已愧
求顏闔揮日無能效魯陽從此漸教塵事
少畫屏終日對焚香

元日

旭日晴雲涌翠微飛飛庭鳥競清暉烟霞
地僻園松竹雨露春深長蕨薇病骨朱茸
陶令醉塵心初息漢陰機閑來詩句聊成
味靜裏風光自不違

春夜夢在京作詩止得首二句覺迺

足之

向來飄泊逐年華幾見東風御柳斜北闕
烟花憐躍馬西江波浪憶乘槎林鴛調轉

還成味菓燕歸飛自作家塵夢不知雲臥
穩又隨春色到天涯

獨坐用前韻二首

少日簪纓鬢已華幽齋兀坐故欹斜謝公
漫有登山屐漢使空迴泛海槎野迳雲裾
招鶴侶晴江煙艇散漁家風塵莫更愁回
首浩蕩春光未有涯

江城風物競年華隴麥青青燕子斜窗外
遙岑延柱笏檻邊新水着浮槎雀羅擬掛
幽人宅鳳字憑題野老家莫道山林大岑
寂還將書卷作生涯

作東會堂仍用營居韻二首

壬子歲

十里青山半畝居野人幽意正關渠春來
佳擬看花地歲晚猶思種樹書洛社高風
今邈矣平泉樂事竟何如獨憐廣廈詩人
思意氣徒看萬仞餘

空山木石伴幽居咲睨衡茅傲石渠范老
未論憂樂地賈生那用治安書春來花鳥

從吾好客至琴樽任自如燕翼詎庸他日
計息棲無羨一枝餘

予家未有菊新闢小園北郭有爲予
培致數本者且云內二色俗呼大
紅袍醉楊妃漫賦一首

歸來不種東籬菊老去貪看北郭花弄藥
食英翻恨晚颭風含露故應斜幽姿不用
丹青著異代猶將粉黛誇咲倒金樽還嗅
汝清香應得傍吾家

家僮走報西園牡丹花開苦雨弗克

赴賞

園西忽報牡丹開國色仙香任草萊霖潦
故妨安石屐春風應負李膺杯友車朋馬
何由並戲蝶游蜂祗自猜筵賞尚須天復
霽詩成真被雨相催

元日喜晴試筆

寶曆重開舜日暹瑤牋初試管城銛風雲
喜向樽前動霜雪休看鏡裏添短髮長鏡

歌杜甫青松黃菊醉陶潛
摧頽漫作康衢叟
食息何知帝力沾

聞東潭涂侍御年兄於滕王閣旁構
一樓曰覽勝因感舊遊聊題短句

奉寄三首

滕王昔構凭高閣
涂子今成覽勝樓
萬古江山分氣象
百年風日媚林丘
經營未厭千金卜
過從誰爲一榻留
寄語舊遊驂馬客
共將吾道付悠悠

畫棟朱甍倚碧空
元龍豪氣此從容
窓開南浦蒼波湧
簾捲西山翠黛重
繡戶笙歌喧鶴鶴
瑤臺燈火詫魚龍
羨君珠履樓頭客
似少山翁一短筇

千年遺蹟至今留
錦席瑤觴記昔遊
歌詠總輸王子賦
登臨曾抱范公憂
久從南國瞻高士
誰向東陵識故侯
俛仰因君成慨嘆
夢魂長共水東流

春日抵山庄作

三年不看登山屐此日聊停出郭車
浦地煙霞無客到沿村花柳向人舒
塵蹤誤逐雲霄路懶性甘從木石居
笑頽田翁閑共話不妨身世老樵漁

送楊蓮幕督餉之南都

有跋

幾年爲政衆稱賢千里重來亦舊緣
池館故留良夜月旌麾遙拂暮春天
嚴城刁斗時猶急瀚海帆檣日更懸
去住總關南國誅驅馳休賦北山篇

楊君贊理吾邑者八年勤慎幹濟
上下稱之邑當賊衝君嚴防守夜
必躬起巡邏人尤賴焉去年秋藩
司以督南餉未及行已晉靖州
幕之任矣謂名已上必欲君行君
迺復來邑人相見煦煦如家人復
聚然嗟使吏而得人皆若是一邑
三代何有焉迺爲詩贈之

秋日獲枉南吏部金君書致迺翁一

所先生手札并諸篇什見貽因感

昔遊更欽高誼漫賦三首寄呈一

所兼簡金君

蒼莽山深溪水渾忽傳雙鯉到吾門乾坤

陳迹誰憐我湖海交情獨有君伊洛淵源

開正學素揚簪笏振餘芬天台秀絕真天

際遙望東南五色氛一所四子三子俱起
甲科一時同官南曹

亦近所
罕見云

兀坐空齋轉夕陰嶺雲江月繫愁心忽來

鴻鴈丹林曉並臥蛟龍碧海深歲序侵陵

供覽鏡知交離索罷鳴琴休論三十年前

事欲向莊周夢裏尋

一別江干感歲年故人高誼尚依然幽懷

舊憶青春句一所嘗有故人詩
共青春到之句藻思今傳

白雪篇南省風流思遠道東山名勝隔遙

天杜陵意氣君知否欲盡交期在九泉

西野李子書來聞辱海村劉公劔門

趙公諸臺諫會薦感賦二首

清時擢散不知年野鶴江鷗興渺然豈有
文章能益世却教名姓浪稱賢凝香畫臥
羲皇夢躡屐時登李郭仙潦倒敢言泉明
主棄夤緣常得故人憐
弱冠登朝已白頭百年吾道付滄洲漢廷
浪說金門隱魯國空懷漆室憂忽有音塵
來驛騎只將心跡對沙鷗平生意氣今餘
幾慚愧諸公物色求

吉藩王柏山內相陳秋湖左史沈華

溪判府暨鄧揮使以使事下縣辱
枉訪有會秋湖復申贈章次韻答

謝

一臥丘園感歲時偶逢佳客愜心期春風
已盡良霄興明月能禁後夜思玉殿圖書
開閣早朱門琴瑟下帷遲清朝賈董勲名
在恩渥無慚
聖主知
秋湖獲恩賜加四
品服色
碧幢翠節照山溪爲許幽尋過潁西蒲意
蓬蒿隨掃徑無言桃李漫成蹊翟門交誼

榮枯異莊叟襟期得喪齊已分鷓鴣聊自
適一枝無羨上林棲

華溪判府用是所前韻見贈仍次
奉答

田家生計屬明時飽飯行吟祗自期嘗怪
廉公來已暮還憐何武去應思青林好雨
沾常足翠岫閑雲出每遲賸欲逃名猶未
得塵縱誰遣使君知

誰開菴盡在山溪野老幽尋日每西藥圃

微風香繞徑楓林斜日錦成蹊柴門冠蓋
光華滿綺席壺觴意氣齊更有休文堪慰
籍一屨其受故園棲

既別諸子因憶舊遊再疊前韻寄東

秋湖華溪二子

久拋簪笏謝明時邂逅人生未易期常憶
交游驚短夢每緣時序繫遙思林昏落月
吟蛩急天遠歸雲度鳥遲清茗濁醪誰與
共白頭心事少人知

杖策行吟倚碧溪懷人常隔暮雲西驚風
入樹葉鳴戶明月在天霜滿蹊孰有心期
能自許應知物理苦難齊雲霄振爾鷓鴣
翼丘壑憑予燕雀棲

羅朝綱自湘中來訪有作

萬頃煙濤江岸迴扁舟遙喜故人來花間
折屐衝寒出竹裏移樽向晚開晤語且教
懷抱盡愁心休惹鬢毛摧夜闌秉燭真如
夢湖海萍蓬未足猜

送別朝綱一首

把酒江頭江燕嬉一帆春水放舟宜淹留
未盡連霄興悵望曾爲隔歲期栗里舊遊
驚往夢予嘗往訪朝綱忽忽幾二梨園新
樂藉明時欲知今夕懷人意風雨瀟瀟祗
夢思

舍弟詩來次韻寄慰

行李經秋歲復窮故時風物喜重逢雲龍
宮闕天邊夢錦繡山河醉裏容朗詠爾能

寬旅思壯遊吾爲感塵蹤來鴻去鴈聊相
慰俱在平安兩字中

元夕有懷舍第二首

六街燈火晚風輕萬里河橋月色新池草
夢寒那得句庭荆春好獨傷神交踈誰問
長卿疾謀拙應知季子貧弛擔歸來定何
日酒杯詩卷共吾真

里社歌鍾鬧夕曛園林風物變春溫窺簾
月色欺燈恍拂席香煙戀酒樽霧雨獨占
南國豹風雲應化北溟鯤長安今夜還家
夢定有新詩續斷魂

營彭氏園居仍用舊韻二首 己未歲

辛苦平生幾築居每緣休暇得關渠誰憐
孟母三遷地賸有韓公一束書故國江山
真老矣名門閱竟何如獨慚伸蔚蓬蒿
宅仰止高風百代餘

老來身計是安居畚鍤何心更憶渠午館
壺觴妨促席夜窓燈火罷劬書于門德業

吾何有陶徑春光日自如怪底閑來閑未
得塵心應在夢醒餘

字吟六十自壽

三十歸來六十過半生踪跡意如何魏牟
自信心長赤潘岳休言髮未皓瞥眼風塵
驚往夢經心花鳥足酣歌從頭甲子猶堪
數時有春光到薜蘿

彭氏園復作會心堂仍用舊韻二首

南園

辛酉

幽抱年來慣卜居草堂重構傍清渠窮愁
阮籍非耽酒多病虞卿懶著書曲水風流
篇翰在輞川名勝畫圖如清時賸有田園
樂藥圃蔬畦數畝餘

投老青山只故居羞將華髮照清渠徑僻
未堪陶令醉門扃何用翟公書窓涵列岫
披圖似檻映澄江靜練如輪奐詎關堂構
意每將塵事惜三餘

堂陰復構亭浚池踈花叢篁頗稱幽

勝丹疊韻二首

野人習性水雲居
購得青山浚碧渠
在沼詎容任氏釣
臨池思效右軍書
庭前鳴鳥聲相和
水面遊魚樂自如
幽獨但嗟稀過從
閑情應得大觀餘
堂開綠野邇廬居
戶外炎氛一任渠
載酒欲尋花下酌
題詩思向竹間書
未論身世冥鴻比
自識心神野鶴如
潦倒敢言丘壑相
乾坤聊得此生餘

與人小飲奕棋作

萬古乾坤一局棋
偶將幽興趁芳期
是非還屬傍觀靜
得喪寧知戰勝宜
謝墅才高多自暇
秋壇心苦莫教疲
龍爭虎鬪成何事
拋却機心付酒卮

秋日寄懷沛上蜀中二邑第

江上飛雲急暮鴻
碧山離思動秋風
百年身世悲歌裏
兩地音書悵望中
司馬已其成病臥
楊朱休擬哭途窮
松蹊竹徑行吟

處安得清樽此際同
 野迳蕭疎起夕陰
 空堂危坐動幽襟
 一天星斗愁時暮
 滿地煙霞與歲深
 傲睨敢為青白眼
 閑居虛費短長吟
 驚心時事堪垂淚
 盜賊征來恐不禁

春日感興二首

涌座雲山列翠屏
 華胥國裏夢初醒
 桃花日煖添江色
 蘭蕙風清薦渚馨
 霄漢曾霑

仙掌露江湖今作老人星
 行吟澤畔誰相和
 醉裏漁歌爛熳聽

偃仰終朝坐畫屏
 強拈杯酒醉還醒
 旋開竹檻多清蔭
 重向芸窓有素馨
 散髮山庭吟夜月
 洗心泉竇吸春星
 蕭然物意誰能會
 一曲滄浪試與聽

鄉人饋菊有醉楊妃大紅袍
 火鍊金

金盞銀盤諸名品
 甚麗漫賦二首

為愛野人多逸興
 園林秋色為予分
 即看

嫩蕊垂垂發且喜幽香細細聞
秀浥南陽堪益壽芳傳栗里尚餘芬
貪歡更憶千年事徙倚花間一醉醺
陶居喜見黃花節爛熳花開忽滿臺
孰以幽姿誇冶艷故教荒徑錯瓊瑰
世情多事工題品造物何心巧剪裁
當日東籬應是
否百年心賞亦悠哉

廿八第去秋書來期以歲暮抵家遲
久不至悵然興懷二首

遠道音書隔歲裁故山猿鶴賦歸來
夢魂已自三秋別懷抱真成一
日開草逕欲鋤停短屐
稌田粗熟貯芳醅乾坤自古艱行
役憶爾天涯首重迴

老去離思強自裁江頭旌節望歸來
中天明月愁應共北極浮雲鬱未開
池草有情供夕詠林花無恙待春醅
鵲聲似喜傳芳信噪立簷楹日幾迴

三十第卒業南雍兼得應試作此寄贈

金陵自古興王地羨爾茲行得大觀虎踞
 龍盤俱勝槩苑花宮柳幾長安迤透軒蓋
 千官集雜沓笙歌萬戶歡相憶可無池草
 句好圖名蹟異時看
 江天離思黯斜曛渚鴈原鴈正爾分碧海
 魚龍涵日月赤霄鸞鳳快風雲蕭條楚水
 棠花發迤逝燕山桂子芬世澤未應成獨
 負泥金消息及秋聞
 涑江集卷之六

涑江集卷之七

五言排律

寄壽遂翁先生二十八韻

申甫生河嶽虞庭瑞鳳凰異才應間出遭
 代必明楊日月隨龍馭風雲遂羽翔名高
 尊恭華秀發遡滇湘儒術傳經早兵謀出
 將良泥塗俄寵辱天路竟輝光憶昔中原
 擾徵公渭水陽穰苴餘戰伐汲黯切扶匡
 國難湏籌策兇殘祇禍殃直能安社稷何

帝削豺狼貔虎旌旗靜麒麟錦繡香爲霖
人所賴補衮志先償黃閣鳴彤管丹青拭
柏梁一時瞻藻鑑八座振珪璋共倚周行
正那驚漢網傷妖氛終爛熳吾道合滄浪
邈矣雲臺畫懷哉綠野堂碧山娛燕寂玄
圃接微茫藥採松脂秀花攀桂樹芳誰云
遭鵬鳥聊爾憇柴桑杖履仙人侶台衡帝
座傍熊羆還渭叟鴻鴈復周王虛席曾飢
渴玄纁庶典常潞公非去宋裴相詎辭唐

天意昭平格人心悅治康南山開壽域北
斗耀文昌有忝班莊頌空慚後省郎願聞
宣室召搖曳夢宮墻

送汪希周武選赴行在所

庚辰 駕幸留都扈從以閣部諸
大臣時逆彬用事人咸謂有異志
焉

歲晚驚時序天涯感別離北門仍鎖鑰南
國且旌旗扈蹕元臣重登壇大將宜虎賁

非大內鷓鴣豈形墀戀主君能往憂時
我獨悲武功歌欲上諫獵疏應携瀚海魚
龍沸沙場鴈驚飢水霜萬里道行矣慎驅
馳

乙酉四月廿五日偕諸友觀南內歸

感述二十四韻

北闕皇輿建南城別殿開河山餘壯麗霄
漢競崔嵬柳暗平堤繞花籠複道迴曲欄
園綺繡危砌錯瓊瑰水泛滄溟折高凭泰

華摧苑閑金驥裹徑滑錦莓苔野吹聯龍
管林芬馥麝煤文鷓天上躍青鳥日邊來
玉宇搖仙珮瑤池捧壽杯宸遊應此地賦
頌豈吾才景運逢千載歡聲遍九垓光輝
瞻舜日樸質想堯階憶昔腥臊入共惟社
稷災翠華還朔漠黃屋掃炎埃鶴駕嚴城
迴鸞旂禁籞回誰云隔朝市只擬住蓬萊
歸啓人心衆尊堯國典裁九重懸日月
八表動風雷棗萼晴相映桑榆晚自培事

殊迎代邸功異畫雲臺愴往情難已探奇
景莫該中官頻指點遷客重徘徊佚樂防
憂集忠真懼禍胎忽思千古事遊罷有餘
哀是日也予始有西江之命焉

予被謫歸夜泊吳江昏黑殊甚岸頭
塔燈忽起暉映江渚亦平生一奇

觀也因之感創遂賦此篇

驛路頻年客河橋萬里船羈心邀落日愁
緒靄昏煙忽訝江光動俄看塔影懸傳燈

來佛子飛錫到諸天日月依輪藏雲霞護
梵遙凭空開寶樹布地擁金蓮舍利晶熒
聚空門意象傳毫光時自發春色晚相鮮
的皜燃犀渚焜煌濯錦川檣鳥紛下浴沙
鳥競高騫一照迷方誤誰登彼岸先世人
皆汨沒大道幾沉緜顧我何爲者令人益
惘然謀生真潦倒失路轉迤邐易洒揚朱
泣難同李郭仙感時頻北望觸法且南遷
冥契憑誰語孤懷祇自憐喜將宵作晝愁

以日爲年朗悟從今夕先幾愧昔賢餘輝
如許借稽首故山前

送諸弟應試十韻

桂子香真逸槐花影更重雲梯懸窈窕月
殿隱玲瓏劔氣時衝斗珠光夜吐虹文章
生景象科甲重登崇藻鑑無餘照權衡有
至公掄材當俊彥入彀必英雄穎脫應誰
是橋題志或同箕裘吾世業閱閱舊家風
窟蹟愚兄忝詞塲爾輩工鹿鳴歌宴罷早

寄北來鴻

送廿八弟學五姪會試用前韻

北闕 恩光蒲南州喜氣重桂林芬馥郁
杏苑影玲瓏 聖主懷應渴英賢氣若虹

遭逢人所羨拔擢禮仍崇鄉里看前輩冠
裳有數公不才真忝竊曠代敢稱雄

唐大叅後十八年始有先君先君二十
五年始有不肖至今又三十五年于茲矣

衣鉢堪誰授源流本自同餞筵開曉日征
棹倚秋風賈誼書應上相如賦更工上林

花信早佇立聽鳴鴻

小舟奕會再用前韻一首

江水深逾碧雲山翠更重扁舟乘浩蕩踈
牖坐玲瓏隱几還冠鵬垂竿即釣虹剡溪
真訪戴金谷詎誇崇但遣清樽蒲休論白
髮公濯纓心不競擊楫意徒雄蓬質能無
附蘭交孰與同捲簾惟素月揮塵自清風
奕咲秋生絕詩慚杜老工驚心聞過鴈矯
首嘆冥鴻

送西峯黃先生之任上海十四韻

閨寂愁誰侶過逢幸有君英姿瞻玉樹令
德藉蘭薰道大陳無已官貧鄭廣文傳經
井淡薄作吏謝塵氛桃李門前種衣冠帳
下分臯比恒自擁絃誦幾回聞樂極歸名
教喧早閱世紛人真親叔度道擬接河汾
綸紵頻沾命詩書詎策勲一瓊仍故物
三鱸獨餘芬別袂那堪把離顏豈易醺雲
霄看奮翼江海悵離群尚憶吳淞鱸惟耳

楚澤芹舊遊如見問煩與道慙慙

雪後月朗輝映可人率爾發詠遂用

黃泰泉宮詹賞菊十八韻

際曉霏瓊屑中宵吐玉蟾精光同皎潔風
色閨清嚴鑑澈懸當戶花飛落蒲簷山河
餘泡影氛祲絕毫纖素質寧容翳幽姿不
受炎映江銀作帶覆嶺玉爲尖細落烏紗
潤輕飄翠袖霑開筵那假燭調鼎詎疑鹽
驚鵲栖猶噪靈虬晚正潛徘徊縈几杖瀟

颯候帷檐灑挹賢人酒明翻學士籤抱寒
憐戍壘炊冷嘆窮閭桂斧娥宮迥霜矛獵
騎銛興深欣白戰坐久覓紅甜勝賞誰爲
語歡歌俗未嫌適聞隣家歌聲冥心聞過鶴翹首
望飛鷄曙色俄侵牖清輝固在簾賦詩聊
自適撫景欲無厭

予用黃泰泉賞夏菊韻咏雪月詩舍

弟旣和予詩復有賞菊之作予亦

再次一首

物候凌朱鳥襟期托素蟾揮毫消晝永倚
韻怯霜嚴灼灼花盈砌輝輝日映簷影搖
朝霧散香送午風纖秀色那宜晚真心不
避炎雲舒雕萼翠霞折錦苞尖抱甕機曾
息巡簷寵亦霑微吟供綺繡清賞傍壘塩
服食南陽老沉酣栗里潜詎徒文苑園常
得藉帷檐品列宜殊譜根藏慎著籤玆奇
欣貴室蕪蔓笑窮閭采袖衿從蒲鬪刀錯
與銛泛杯看蟻集插帽帶蜂甜桃李應多
味可無厭

讓葵榴且自嫌佇觀傾隙駟歡聚仰霄鷄
興適頻揮塵歌殘欲下簾填篋今有奏觸
舍弟在沛中久無音息姪子問使戒
行憶其熒然旅寓淹抑之情予老
別傷懷寄慰此作

骨肉天涯別音書故國將江山正紆鬱雲
物轉蒼涼意氣憑誰語情親祇自傷蕭條
停酒盞羞澁臥奚囊關塞踈鴻影煙霄隔

鴈行草生驚夕夢花發感年芳冀北誇千

里周南滯一方世途看戲劇厄閨有王楊

璞獻寧辭別珠投忌見戕卑棲仍此地幽

獨更他鄉原憲貧非病兵厨醉是狂林廬

虛夢鶴

予二人居址故章氏地章嘗夢二

旋構舍遣二子肄業其間後歸吾家人謂

茲予二人微也如以名位言予二人困頓

咸若茲則惡霍邱訝乘羊予第書來云沛

用是夢乎嘗夢第駕一羊車至其戰勝神應泰名垂

志未償莊生齊得喪尼父任行藏攀桂予

眠穩哦松爾與長思家明月詠懷古大風

章才俊憐諸謝歡娛羨昔姜彭城風雨夕

遙亦憶連牀

苦雨書懷二十四韻

澤國偏多雨炎天卽已秋侵淫沾几席蕭

颯換衾裯日月昏三極風煙帶九州溜垂

銀箭駛電掣玉繩流共訝天瓢建真疑地

軸浮驟喧庭下浪橫折路中溝岸徙龜羈

窟波翻鴈驚洲塗泥深沒馬江漲急奔牛

簑笠疲農舍旌麾偃戍樓濁涇思濯足塵
海憶乘桴神女誰爲賦龍公實所尤撼牀
嗔鬪蟻倚杖逐啼鳩酒伴踈來往吟朋阻
唱酬戶停安石屐門繫李膺舟已分文園
臥仍懷漆室憂歲功那可料民瘼故應求
兵馬何曾洗征需未擬休浮雲終日有氛
侵幾時休旱潦還相代陰晴豈預謀愁霖
歌自苦消渴病難瘳調燮歸賢相寬綏仰
聖猷流移圖孰上哀痛詔湏優隱霧身奚

適開雲事轉幽竚看天日霽聊與豁吟眸

除夜獨坐詠懷十八韻

駟隙驚除夕鷄聲候早春懸燈連里巷伐
鼓蒲城闔宵賞歌鍾杳朝看樂伎陳陽和
迎邑使膏澤到編氓

是日迎春邑大夫遣
送春牛花伎到舍

爆竹妖氛辟桃符鬱壘新土牛爭驗歲竹
馬重傷神老覺風流減慵憎應接頻椒花
寧入頌栢葉可娛人兀坐成何事端居習
淨因橫牀時筆札隱几但松筠煮茗塵襟

滌焚香道氣真赤霄曾場翼滄海詎藏珍
偃仰安仁里過逢悵德隣嬌痴兒子念零
落故交親咄咄書空與栖栖抱病身有懷
虛突兀無步且逡巡日月瞻宸極乾坤壯
化鈞所祈吾道泰長此慶芳辰

中秋小集十四韻

明月看長好今宵好更看流光盈繡戶清
影下雕欄墮水搖金綺行空瀉玉盤驪珠
潛自抱兔扞迴應殘掩映螢仍息驚棲鵲

未安路疑冰雪艷宮入水晶寒弄笛何人
興開筵此際歡皎能欺髮白明可照心丹
偃仰親朋輩徘徊托肺肝風輕桂樹底露
冷菊花團但訝天常晝焉知夜欲闌歲時
佳日少人世賞心難謝賦將誰繼堯樽且
自寬相逢須盡醉塵夢幾邯鄲

中秋無月兀坐書懷仍用舊賞月韻

一首

萬古今宵月今從何處看乾坤堪閉戶河

漢幾凭欄座擲清樽酒堂餘絳蠟盤堯奠
秋已半班筵暑初殘杳眇天難問沉冥道
亦安氣應時顯晦心不異暄寒自識衰遲
力難追少壯歡天猶妨奪魄人可與還丹
生事何顏貌交情孰肺肝世途飛柳絮榮
路蹴花園守墨神逾忝研朱與未闌居閑
偏覺佚涉世轉知難但取吟哦適寧論禮
法寬陰晴從物宰醒夢總邯鄲

種竹

此君何可少畚鍤荷相從寂寞憐幽逕殷
勤付小童根移宜宿壤葉減怯分叢自識
栽培意還憑造化功共欽君子節側想昔
賢風秀擬琅玕比清將杖屨同何人惟肉
食顧我亦塵塵歆賞那教晚追歡幸不窮
焔氛真莫到雲氣可長通仰睇青霄上頻
過碧澗中巖寒衿翠爽炎夏得陰濃境忽
擅捨峙門如畫戟雄湘娥遊解珮坡老飲
成筒徑造希王子詩歌羨武公數枝看自

好千挺望猶豐截管期仙侶掄竿許釣翁
爲龍愁化去來鳳聽鳴空早晚題詩處吾
將紀逸蹤

七言排律

慈壽橋成賦述一首 有序

吾醴之南鄉地名泗汾舖者爲楚
粵滇貴諸路午衝舖瀕江有橋故
址僅餘木數根臥水中木松材得
不朽又有石數重枕其上故得久

存然莫知何代物也江流汜溢渡
者必以舟官嘗爲置舟舟子狡玩
務需索必得迺爲渡貧者苦之春
夏之交諸溪漲發勢方悍迅即舟
莫敢渡如輕慄或操不利則輒爲
魚驚羞聞者益憫焉嗟乎昔人言
存心愛物於人必有濟徒杠輿梁
具在令甲矧茲地多覆溺憂前是
諸官司暨吾邑久近人咸漠然無

一爲之所何也往予宦橐人幸咸
予知迨歸力田百凡務藺約兼比
歲有秋衣食外稍穰優裕心實憫
茲患又惟諸利濟事似惟茲爲大
且遠爰體楊子推分之仁遵龐公
遺安之義不自揣節妄意及此迺
募諸匠役可百人始事于丙辰歲
首春至丁巳歲之暮始訖工然以
役頗浩繁供辦日弗給兩年攘攘

率支吾爲之緒甫就聞諸行路人
過者咸歡忭若致頌禱意里人來
爲道述咸慶予予哂曰茲予濟川
功耶橋南數里許有著姓劉氏即
先宜人家外祖經府公徙城居予
未獲至其地茲地暨橋故俱名泗
汾泗汾非醴水未審始何所指僉
謂名稱本無當且橋新建宜別名
舍第舉曰茲先宜人毓秀之鄉橋

成適吾兄年始壽橋名慈壽宜予
曰先宜人克相吾先大人慈德灼
灼載在誥詞胡庸茲然有先德迺
始有不肖鳴迺有茲橋以惠濟諸
行路名以彰德可也若犬馬齒何
繫焉僉曰沂源紀會第言是也予
謝不敢當予亦喜茲幸成俾茲地
免覆溺憂庶少紓已推納意也迺
爲賦七言長律一章寄諸山中姑

以志始事云是歲除前一日涇江
迂人徐一鳴識

涇江南去駛奔雷覆溺常興過客哀一鶴
忽歸華表住六鰲真負海山來根蟠兩岸
橫蒼靄柱立層波染綠苔巨浸倏垂青蜿
蜒懸崖遙墮碧崔嵬風生郢斲看環堵石
煮仙翁變劫灰水底蛟螭休作橫沙邊鷗
鷺莫相猜九衢絡繹乘飈度五夜喧呼帶
月回弛檐未湏愁艤待急郵那復慮遲迴

成梁令在嗟誰及愛物心存孰與裁傾困
詎周高節餓揮金剛得咲顏開乘輿本隘
猶爲惠浮舸維公復糜財慈愛敢忘先世
訓迂愚其使衆人哈扶持實賴神明力舉議
初居人云茲地環十數里無堅石有沈潭者爲黃土石即橋弗堅故址石是也匠氏至採諸山中見山瘠皆土膚偶掘之得石青色堅甚石皆離立不響屬掘一石四劈之稍加錘琢即如度石更可灰匠氏拾其餘遂作用之故諸爲力頗省便山本隘石僅供橋具橋成石亦竭人以爲異居人云茲山數年來恒有光夜發人妄慕謂金銀氣迨橋興人迺謂石當出用故予于是益感神貺焉

區畫還憑匠氏材精衛何知思獨苦駑駘
無力步多頽濟川功業爭應是泛海心情
祇自摧渡蟻浪傳陰德事活鱗寧冀報恩
腮維城磐石期能未作楫迷津意豈該萬
古江河知不廢題詩聊寄葛藤隈

涿江集卷之七

淶江集卷之八

七言絕句

送唐二尹之海康四首

薊門合浦接堯封
翡翠明珠豈盡供
車書

一代中興主
王祭千年碧海農

海康城在滄溟岸
日日蛟龍海上行
松閣

捲簾圖畫裏
轟雷飛雪看潮生

海畔潮來亦大惡
比來聞道減膏腴
空村

豺虎何堪劇
碧海鯨鯢未足虞

鳳凰樓下宜相見岳麓山前幾度過萬里
梅花君遠去他鄉春色定如何

江漲四首

今春雨多江渺茫仲夏一雨尤難當昨夜
水生高一丈朝來市上駕舟航
如山濁浪翻碧空兩岸人家江水中貧家
移舟只暫住三日江上憂天風
少年操舟疾若風打魚沽酒城西東爲語
汝曹莫浪喜禾畝半在波濤中

淶江橋頭江水平十字街前風浪驚今年
雨多却愁思去年雨慳愁殺人

聖駕幸郢十首

龍起當年漢水間五雲今見六龍還天上
已開新日月郢中渾失舊江山
方城漢水接蓬壺紫氣沉沉似畫圖他日
一爲湯沐邑千年長作帝王都
渺渺雲霓拂翠華龍旂今渡楚天涯風光
遙引新豐樹瑞靄長圍舊苑花

南州佳氣繞蒼蒼五色遙看日下光清漢
江邊迎父老陽春臺下拜 君王

白露園林感慨中夢魂猶自隔西東臣忠
擬盡回天力 聖孝將為縮地功

金殿差峩鎖碧山 朱衣端拜殿中間已
教天壽過襄野更遣承明出楚關

漢主東歸意氣賒羸秦空泛海邊槎周王
八駿何如此四海由來是一家

九重宵旰切民憂納諫猶聞似水流法駕

未曾論扈從 綸音先為戒徵求 先是言官有言

有司先事科歛乞賜禁約 皇上特嘉納焉

聖代車書一統中耕崖釣渭網羅空 君

王或有非熊夢後載誰收市駿功

嘉靖 龍飛十八年南巡勛業格皇天侍

臣倘奏長楊賦野叟惟歌帝德篇

廿八第會試邀餞舟中因侑以詩三

首

小作軒窓向水開共看平地即蓬萊雲霄

遲爾登瀛去打鼓鳴舷此際來
老夫甘臥商山草令弟行看漢苑花亦是
瓊林舊賓客旋烹薇蕨薦流霞
杏園芳宴集群仙回首春風三十年陶令
酒杯須共醉和家衣鉢要真傳

李衛公祠四絕句

有序

邑西有靖興寺寺臨江俯瞰城郭
景物差勝邑大夫人士凡遊宴者
必之焉志載唐衛國李公靖嘗駐

兵茲地亭址碑刻尚存寺西偏故
有李公祠祠今廢但草莽矣而明
空素道人者毅然欲脩復之間持
牒謁予予乃憮然嘆曰嗟祠吾人
事也而道人乃爲之予嘉其義爰
口占四絕句貽之俾告同志庸以
贊厥成云

玲瓏金刹楚雲西不惜招尋杖屨携猶有
將軍祠廟處密林斜日怪禽啼

衛國勲名垂日月曾聞于此駐征輦空山
寂歷鳴風葉萬馬猶疑戰後嘶

世人解識求生計施佛尋仙共有之可咲
明空素道士殷勤來爲李公祠

登高作賦吾何有吊古尋幽興不慳佇向
靈山看突兀便從飛閣聽潺湲

萍邑黃華橋圯有僧乞緣脩復哀號
每至夜分持牒告謁援筆書此

行路巖嶽江水深寒裳濡足往來心濟川

功業應誰是愁聽緇徒夜半音

五日以蓮酒爲龍江尊堂壽侑以小

詩四首

桂江碧浸注芳鮮釀得仙人大華蓮爲報
瑤池降玉母看餐石髓駐長年

當窓老鶴翩翩舞隔院流鶯款款飛江上
可無素紹酒樽前還有老萊衣

競渡江頭江拍天江邊兒女鬧喧闐青州
從事煩相問五柳先生只恁眠

是日招龍
江觀競渡

不
至

懶性年來祇睡宜
恐將心賞負芳期
他時倘憶山陰道
乘興還來倒玉卮

九日舟中宴會十絕句

江城風日競重陽
野老維舟一舉觴
可是登山無謝屐
閑情應在水雲鄉

蒲插茱萸向水濱
渚鷗沙鳥解相親
憑將綠醕酬佳節
未信黃花咲逐臣

百年心賞赴芳期
把酒看雲更不疑
總道

惠連能作賦
應知安石解彈棋

小舟名沫
淶軒舍第

為予
作賦

無端蘋蓼作清秋
暇日因成爛熯遊
俗客自慚嵇呂駕
傍人應羨李膺舟

灼灼芙蓉映水紅
沿江香蒲菊花叢
不應開落渾無主
管領漁翁釣艇中

神仙窟宅還三島
老子心情自五湖
嘯傲煙霞湏此地
詠酬花鳥亦吾徒

舟邊鷗鳥不驚人
水面遊魚作隊行
為問

海翁何意緒時聞江上放歌聲

畫舫輕移彩鷁新儘將幽意付芳辰休論
博望乘槎客亦是龍山落帽人

日暮清江生紫煙檣鳥倒影夜燈懸空中
蟻蠓休相趁水底蛟龍只恁眠

拍窓蘭芷薦秋馨蒲座雲山送遠青未有
芳菲臨上巳敢將幽勝說蘭亭

贈別胡瓶山次諸公韻五首

柴門立馬意匆匆三十年來此再逢他日

相逢更何處一尊聊與醉春風

冰壺玉樹映清姿他日思君鬢欲絲今夕
思君應更苦攀翻無計獨何爲

蒲幅琳琅雲錦字新詩贈我動人觀問君
高誼何能爾曾共雲霄接羽翰

使君持斧衆稱賢北闕恩光萬里懸何日
旌車能再借更教吾楚各安眠

粵江西望已無多野老狂來發浩歌可道
衣冠兼盜賊應知平地足風波

贈周三尹致政歸信州 有引

七峯周君簿尉吾醴者九年頗以恬夷不獲調茲當考績上銓司聽除矣而君則曰夫宦孰早孰崇維艱在厥終予宦且弗達復依依胡為乎遂投牒致其事而去人尤高之予懶廢弗文無能紀述厥美聊為四絕句以贈君之鄉近菴桂史桂公嘗按吾楚有聲而于予有國

士之感實未敢忘君行倉皇未由裁謝小詩附見用達鄙懷君抵家煩使者持軸為予一道勤拳焉

碧雲飛度楚江頭桑柘陰陰宿雨收野老忽驚鈴閣夢兒童爭為使君留

悔向風塵禮督郵江湖容易往來遊 君以督餉

嘗四至留都 振衣便作歸田計坐汲清泉濯茗

甌 予于茗品謂信產為勝

具闕珠宮紫氣還君家住近上清山君歸

倘得長生術願乞金丹一駐顏

曩予巡視至信州遙

望上清紫翠葱鬱即飄然思欲為赤松之遊而卒莫克遂因君歸適益重予懷感焉

湖南巡史播清芬洛社香山望獨尊暇日

欲陪駉馬出春風應到白鷗園

鷗園舊相國夏公別

墅也聞今為人遊觀地矣

對菊復賦四絕句

小圃園亭半畝秋煙霞千頃坐中收亦知

不是陶潛宅誰遣黃花咲黑頭

赤日亭亭下楚臯猩紅點染更蕭騷空庭

坐對成惆悵零落當年舊錦袍

菊有大紅袍醉揚妃

二品

月色花香勸舉杯沉香亭畔醉摧頽芳辰

自與東風約不用鄰人羯鼓催

隣人習鼓聲朝夕關

甚

抱甕何緣學漢陰看花誰識種花心花開

花落成何事贏得陶翁幾醉吟

東堂後作西湖圖成漫題五首

漫向人間說勝遊半生踪跡愧沉浮何人

妙得丹青理分取湖山一片秋
越中名勝屬西湖映水樓臺入畫圖遊賞
競誇歌舞地興王曾作帝王都

仙家樓觀切青霄下界笙歌沸六橋勝景
忽從屏障出神遊未覺夢魂遙

南北高峯相對奇六橋遊客定支頤尋幽
好過林逋宅吊古應先武穆祠

小小茅齋賸得春開軒忘却畫圖真風塵
瞥眼年華易怪爾東西南北人

客來觀圖有求形似者戲作二絕句

萬里江山俱在眼百年身世總飛蓬休將
繪事論形似天地都歸一幻中

玩好由來成贅物乾坤隨處即陳踪憑將
畫史丹青手爲寫詞人魄磊胸

漁翁三首

蘆花江上水連天釣得槎頭縮項鱸莫道

漁家生計薄閑時沽酒醉時眠

斗笠輕篔倚釣蓬自言家世本漁翁生來

不識催租吏安得閑愁到此申
不識催租吏安得閑愁到此申
隴瞳晴日散煙寰晒網船頭意自閑
款乃一聲飛屬玉兒童市上賣魚還

慈化二僧擊鉢夜號祈施華嚴經持

畫史狀牒丐予題名為倡嗟茲予昔所裁

也今顧為利助耶笑而書此

當年憲府乘總使此日靈山採藥行但使

頭陀能悟道何須毛穎為題名

平生習性解觀書猶覺塵心費掃除未向

空門論色相欲從法界問真如

優曇宗旨曜緇緘衲子呼號意未厭却愧

齋心渾不定白頭今日禮華嚴

睡起漫興二首

燕舞鶯歌春日熙北窓幽夢覺來遲試看

鳴玉奔趨地何似凝香燕寢時

莊子逍遙齊物理稽康服食孕天和憑誰

解得浮生夢拋却黃庭換白鵝

偶有感述為空同翁解嘲 并序

近閱薛集有絕句云海內論詩伏
兩雄一時唱和未爲公俊逸終憐
何大復粗豪不解李空同若甚右
何而抑李者嗟乎文章品藻千載
爲公詎一人之言可從程準大復
慧質夙成藻思逸發揆詞婉麗玉
潤金鏘誠一代之宗工藝苑之駿
足矣迺若空同雄才逸氣高視千
古摘毫染翰率皆深閱奇崛凌揚

躒馬瓌文雅調兼長具美無論恒
品其精華骨力卽何尤當爲之左
次者矣浚川司馬序其集曰秦漢
以來罕見其儔浚公名家當其言
匪謬顧若所云豈所謂公是公非
先民正直之論哉嗚閣識寡聞奚
所窺測矮觀耳食頗爲李憤爰題
斯句聊以致平反云集中又有讀
空同詩絕句云可憐詞客李空同

築室買田學富翁地下定遭劉主
咲我猶如此况如公嗟乎茲益寬
抑甚矣空同本自貧家弱冠登朝
崇尚風節實欲策勳揚譽用期鴻
遠顧以骨鯁卒罹擯斥家居孤亢
尤鮮接與緣文旣在茲人咸仰止
當路尊禮四方購乞遂致殷裕田
廬營構俗所未免然實未其污蠖
苟爲務封殖也而迺過爲訾議若
出憾辭是何有于公哉且其詩似
亦未應收載知我罪我覽者其共

正焉

文章聖代推何李千載公評屬爾曹解把
風容誇俊逸却將骨力誚粗豪

鯨波力挽滄溟濶共說昌黎百世功馳騫
競誇千里足倏看天馬遠行空

鏡中誰與定媼妍水底山鷄祗自憐亦是
當時三昧手欲將疑義問真詮

端木何緣誇結駟范公柰可具扁舟亦知
憂樂平生志不比當年季主劉

偶從南都故知覓馬孟河草書

十金價重張東海雙壁光聯馬孟河老我
未觀孫氏劍因君欲致右軍鵝

一代精靈知有在百年心賞竟誰同憑探
海底驪龍額看取山中白玉虹

三十第以召姪納采果物見貽而諸
當路惠鄉書適至遂以一書對使

偶書短句爲報用勉姪子

題書付與二郎看小大登科亦並歡寶桂

定知均雨露三秋應折一枝丹

幸科第而第
房尚缺故云

夜觀鄉書有感用前韻二首

閑把鄉書靜夜看飛騰忽憶少時歡頭顱

已變千莖雪懷抱空餘一寸丹

誰將勲業鏡中看白首劬書亦自歡四十

六年成底事玉堦曾瀝寸心丹

予鄉舉丙
子迄茲若

千年
矣

春日小集以擊鼓催花爲令漫賦七

首

堂上開尊列衆賓
堂前伐鼓駐芳春
千杯綠酒何辭醉
一朵繁花正可人

花光駘蕩酒新蕩
咲折花枝當酒籌
酒至快逢知己飲
花開羞上老人頭

謝傅風流樂盛年
佳人長得傍芳筵
持杯莫怪殷勤勸
春色無端到酒邊

亂紅蕞綠蒲芳洲
春色驅人可自由
鼓罷忽驚花在手
興來惟有酒盈甌

玉女殘粧下鏡臺
清光長是隔塵埃
等閑識得春風面
轟醉何須伴鼓催

漱艷傳杯莫放杯
花容猶自怯風摧
沉香亭畔花如錦
羯鼓聲高動地來

逢逢蕭鼓競春聲
管領風光入絳唇
今日花開不成醉
明朝花落更愁人

五言絕句

邑大夫遣使送迎春花仗到偶成四首

青鳥雲中使河陽縣裏花陽春真有脚先

到野人家

笳鼓喧清晝旌麾拂亂雲春歸知幾許歌

舞俗紛紛

野老憂農務驅兒試土牛人言知歲稔村

釀不勞求

臥病江湖客栖遲閱歲華憑吹鄒衍律好

種邵平瓜

秋思二首

秋來野思幽閉門一月臥開門落葉深幽

思誰能那

旅鴈排秋空凌亂風力緊不見空中書遙

望空中影

江村三首

綠暗村村柳紅霏岸岸花春遊來野騎農

務起山家

野吹啼鶯合林芬逸麝過物情閑處得春

色醉中多

鬢雪難辭白山春却更青但教醒即醉無使醉爲醒

一婦人携一女來訴其夫原任指揮以忤上被調廣西遇賊囊罄不能歸予惻然少衣食之更援筆書此爲前導云

疆場非故里盜賊亦王臣寄語當途子誰悲失路人

介胄成何益妻孥不自圖寄言諸盜賊原亦是金吾

雨夜二首

明滅窓前燈浙瀝窓外雨挑燈讀古書秋蟲正相語

簷楹作秋聲軒窓閉清景沉寘復多驚欵側幽人枕

看花二首

野人愛看花逢花幾延佇好鳥復多情殷

勤枝上語

花開愁欲落
花落還復開
但恐年華易逝
水何由迴

六言

夏日偶書

赤日紅塵車馬
清泉白石樓臺
醜好人心
自別虧盈物理
能裁
塵世寧辭
齟折閑身
幸免逡巡
未分煙霞
為累猶多
花鳥撩人

江閣

江閣霏微冷雨
柴扉繚繞昏煙
濁酒誰來
共醉閑床
一任安眠

江上偶成四首

飛鳥偶來塵市
杖藜徐步芳洲
萬古江流
泯泯百年
吾道悠悠

憔悴何緣澤畔
徜徉好在江頭
帆影斜陽
賈舶櫂歌
明月漁舟

玉浸一江春水
騎馳兩岸青山
星漢真乘

五泉書院
天上風光別是人間

此日鷗群載酒當年牛角觀書得意俱爲
樂地因心始是真如

江上懷古二首

楚俗誰傳角黍湘纍爲奠椒漿千古忠臣
哀憤一時霸業消亡

力挽千鈞砥柱氣騰萬弩潮頭總道嚴陵
獨釣何如范蠡扁舟

淶江集卷之八

